

咸豐癸丑夏刊

黃庭道字

壽研堂章氏藏板

民國十一年
五月五日

自序

聚落日邨聚貨曰集邨集之大者今皆名鎮宋紹定三年常棠澈水志成 國朝乾隆間收入四庫是為鎮志之權輿唐天寶五載青龍置鎮宋設監鎮以理鹽鹺梅堯臣撰青龍雜志事在紹定前則鎮之有志當斷自青龍始黃渡去青龍不數里程國棟作嘉定志謂邑中鎮最久者南翔安亭黃渡攷前明中葉已有大場江東外岡三志 國朝嘉慶間他鎮次第成書瞿中溶彙刻膠邑志林六十一卷搜羅大備獨我里以無書不得與焉汪存夜嘗著黃谿雜記一卷有虞初說虛之病近陸曰壽思續為之未果其間聞軼事散見余舅氏洪樸及曰壽詩中承諸丈成璧慇懃乃廣求遺略刪繁訂譌會粹成篇地介嘉定青浦之間統名為黃渡鎮志余先世居青龍而堯臣志不獲見首與圖次各分門大抵例仿澈水志云咸豐改元歲次辛亥閏秋竹隲主人章樹福書于談昔齋

黃渡鎮志

卷首

黃渡鎮志目錄

卷首

序文

目錄

參訂姓名

凡例

圖

卷一

建置

沿革

緣起

職官

社倉

小學

墩汛

郵遞

公廨

坊表

街巷

橋梁

津渡

江關

卷二

疆域

里至

鄉都號圖圩
鄉保區圖圩

田畝

行邨

風俗附

物產附

卷三

水利上
水道

卷四

水利下
開濬

卷五

選舉

進士

舉人

貢生諸生附

薦舉

例選

雜進

武秩

封贈

蔭叙

鄉飲

卷六

人物上

鄉達

孝友

義烈

卓行

文學

耆德

黃渡鎮志

卷首

二

卷七

人物下

隱逸

藝術

遊寓

釋道

列女

卷八

藝文

書目

金石

卷九

雜類上

舊蹟

園第

墳墓義冢附

神祠

寺觀

家祠

卷十

雜類下

祥異

紀聞

瑣錄

參訂

笠華王先琨 子穀諸成璧 拜庚蔣汝枚 濱夫張 涓 醇甫陳淵泰 子良洪印驪
雲上金珠標 龍田金量恢 省之金雲楣 仁伯譚 鍾 吉甫金 彙

凡例

一鎮與縣不同城池學校鎮皆無有賦役戶口則縣志統之物產風俗祥異非異他所者不錄惟吳淞江係湖海通渠黃渡跨江成市最爲扼要且爲開濬時長吏駐節地故于水利獨詳

一嘉邑附鎮者十九都二十一都諸圖青邑附鎮者三十一保三十三保四十五保諸圖黃渡距他鎮率十二里今不據圖以定界但各限以六里東龍王渡爲界西孟涇口爲界南盡新江塘北盡小吳塘

一事在建縣前者人物籍貫從當時縣名舊蹟寺廟注在今某縣某圖惟人物傳不分載地里嘉定用實·青浦空。以別之先嘉定後青浦以鎮所緣起從北而南故也

一人物志必久居始載如王夢求及子原雖遷梁紇渡而舊第祖墓仍在桑浦邨則載之王

黃渡續志 卷首

三

焜自崑山來雖發解在黃渡其子堅旋還舊鄉故祇載選舉

一詩友有關里中風土人事者散附各門惟吳淞題詠如林非標題黃渡字概不收關疏濬者亦間收

一列女必詳里居使日久有攷也年例已符雖存必載已見縣志不贅

一志爲鎮作故流寓兼及本縣人若前哲事軼而蹟存雖不入人物而園第墳墓亦附錄

一地名從俗呼前志固有之隸嘉定邨落冠以某號某圖隸青浦者冠以某保而不復及區圖省冗文也

一事涉疑似甄錄必慎如聞在上志載黃烈婦事後人誤入黃谿雜記趙昕志載黃信畜鷹事後人誤以黃渡鷹房實之二事實在江東今隸寶山縣若此類者概不濫登

一今之秀才無與科目茲仿秦立淞南志錄前明諸生之可攷者下及 國朝乾隆前若例仕可銓選者亦載之第有職銜者不與

一大綱細目郡縣志皆仿紫陽書法茲編條件仍用大書跳出亞一字以別之變例以自卑于郡縣志云爾

黃渡鎮全圖

上圖


黃渡鎮誌

卷首

八四

黃渡境全圖






黃渡鎮誌

卷首

九



吳淞南境水利圖

過此為南
艾祁

唐溝

小青龍江

北艾祁

吳淞

塘江新

新涇

朱家灣

涇塗

涇開新

淮浦

施家浜

朱市浦

華潮浦

趙

浦湖華

吳

黃渡鎮誌

卷首

十一

北周涇

顧同涇

吳家曹

李家港

涇江小

涇黨輓

志江

浦茅黃

浦樊

陸岐浦

塞今

浦林楊

新涇

益缺

成浦

今塞

婁浦

下房浦

鳳皇涇

涇木

江蘇北接鹽鎮

涇董

王家涇

楊家港

鎮藍

砂涇

旱涇

塘吳小



黃渡鎮志卷一

里人章樹福清甫氏纂輯

建置

沿革



黃渡爲禹貢揚州域楚滅越爲春申君封地自秦迄梁屬婁縣信義縣大同二年分信義爲崑山縣屬崑山唐天寶十載割崑山置華亭縣由是北屬崑山南屬華亭

鎮北自唐迄五代時爲崑山之嚶城鄉宋初爲安亭鄉嘉定十年割崑山東境五鄉置嘉定縣改安亭鄉爲服禮鄉黃渡係服禮鄉十九都旁及二十一都

鎮南自唐以後屬華亭元至元二十七年更置上海縣爲上海之北亭一作新江二鄉三十一保北平

係北亭四十五保係新江明嘉靖二十一年割上海西境及華亭西北二鄉分置青浦縣以北境之舊隸上海

者改海中鄉三十一年仍裁至萬歷元年復置青浦 國朝雍正二年分澱山新涇兩司所轄之地東北屬新涇者別設福泉縣黃渡隸福泉乾隆八年裁福泉仍歸青浦

緣起

黃渡鎮志 卷一

一

黃渡地臨吳淞名見于胡渭禹貢錐指有以爲舊名橫渡後人去木爲黃固不足信宋郊亶水利書有大黃肚浦小黃肚浦之名錢大昕跋楊潛雲閒志援以證黃渡舊傳春申之蹟爲後人傳會謂渡當作肚明邱集又以鹽鐵塘之西有黃土墩黃渡因墩得名後人譌土爲渡錢說近古而于命名之義無取邱說似實而于援證之地尙歧今攷黃渡舊有滬瀆龍王廟元大德八年侍御史李果建河內許約記其事云公乃顧瞻黃土之灣民物日盛商賈日集茲土可以安神今鎮東江形如之字潮汐積沙爲土色黃而性疏則黃土灣之稱名實正符乃知譌土爲渡之說爲不誣邱殆言之不詳耳

明龔宏嘉定志祇載黃墩在服禮鄉即今淺岡墩土字乃後人所加邱亦未深攷

然春申之說雖無證據而郡

縣新舊志皆因之攷周烈王十五年黃歇治水松江導流入海爲旣入後第一次疏濬水利爲民生所關繫人以地理亦可通宋甯宗時置嘉定縣其地舊爲崑山之安亭春申臨江平樂醋塘五鄉吳會稽王亮建興二年有大鳥五見于春申鄉舊時黃渡雖不隸春申鄉而相距不及一舍不敢臆斷以前人之蹟必不經此袁凱江上竹枝歌曰黃家渡李資坤建小學曰黃谿願清松江府志曰黃歇渡沈旭初金節婦詩曰黃江浦鷓卜居詩曰申江皆主舊說又案都穆練川圖記市五鎮七黃渡列第三鎮特不知鎮之名始于何時顧炎武菰中隨筆云凡地有稅課

者統謂之鎮黃渡舊設稅課子局主嘉靖四十二年奏革則有鎮之名已非初始近代顧宋元以前惟有北街爲聚落亦名卜家灣俗呼老黃渡在今鎮北二百餘步相傳卜姓徐姓始居此二族已無可攷後有龐氏居之金氏居之龐金在前朝俱有顯達者營第宅建橋梁于斯今其子姓尙不盡陵替北街之東爲羅漢寺西爲崇真道院皆南宋初年建則鎮之興先北而移南松江府志稱南鎮爲新街此其証也而舟楫輻湊皆在泊船灣以東故龍王渡楊林市二處昔皆成集後漸由東而西興廢有今昔之殊矣青浦志載鄉鎮要地五黃渡列第二鎮地雖一隅實海壖衝繁之會也

明袁凱重過黃渡有感馬家宅畔無喬木徐氏門前芳草多留得白頭漁父在年年長蓬送滄波

國朝許自俊舟過黃渡黃浦東迴海口湖吳淞西跨渡頭橋魚蝦入市千家醉葭莢橫湄一路樵砧動寒塘催落日鐘鳴野寺送歸櫂荒亭舊址難回首石馬沙禽對寂寥

吳屯侯黃渡遇仲兄相違曾幾日蓬鬢各添星舊業紛豺虎荒原有鶴鶴刺船橋柵斷沽酒市門扃坐久忘移夜陰燐處處青

黃渡鎮志

卷一

二

朱昂江樓漫興時客館黃渡小館枕江湄篝燈夜讀時月來人不覺秋到葉先知宿鳥一汀晝寒蛩四壁詩未眠還索飲吹火酒蠟遲

李燧薄暮過黃歇渡蘋江孤櫂晚雲橫夜色蒼茫百感生樹裏燈明知寺近橋邊水靜覺潮平酒家寒月扶人影竹隔荒煙作雨聲偶倚篷窗懷二妙幾時把酒話離情

浦鷗黃歇渡秋望人煙兩岸限封疆楚相空名流水長鱸著四腮屯網市虹聯雙影互與梁湖源西上中分綠海勢東迴半截黃極目江天好風景濯纓歌激去茫茫

俞嘉客過黃渡與許采臣范同叔遺民夜話限韻渡頭煙火靄斜暉乘興扁舟歇舊扉始別不期今夕會重來何異故園歸草蟲入暮吟當戶江月橫空涼透衣忘卻夜闌情話永曉星明滅雁南飛

顧荃黃渡竹枝詞渡口晴朝打槳來樓臺相對面江開江湖送客崑山去江月迎人練水回卜家灣裏晚雲平時向前朝古寺行寺外墓田春不埒亂飛蛺蝶近清明戴勝初飛種木棉攜筐下子出郊田深秋結就花成朶賽過山桑八繭絲樓外銀河射角斜江南江北響縹車小姑夜紡三更後到曉平稱五兩紗兩岸黃蘆花發初罟師搖櫓截江漁朝來撒

網當深處牽得紅腮一尺鱸 江水東流無盡時孤橋南北跨江湄征夫莫上橋心望蕩起
煙波萬里思

鮑景顏泊舟黃歇渡一水微茫外燈光數點明颿檣誼夜市車馬還歸程霜業空餘渡名賢
憶舊營颿颿大風起并作怒濤聲

張詩黃渡中秋步月歸來未要忙衣單猶可禦新涼玉簫金管隨風漾正是人家燒夜香

張熙純黃渡候潮松陵東下晚停棹冰裂寒塘欲上潮驚起榜人催解纜燈昏水驛雨瀟瀟
王濤黃渡感舊我來黃歇渡彷彿記前遊往事半生夢長江千里愁寒煙野外鳥斜日廟前
舟此夜一輪月簫聲何處樓

陳文述三月十五夜黃渡對月有懷春雲澹如秋薄羅染深碧倒影綠水中漾此月華白月
華如有情又照孤舟客前夜雲間城昨夜青浦驛來日又何處或者申江沙有無陰晴異乘
之雲霧隔過去與未來相視總陳蹟惟有眼前景春華莫虛擲滅燭啓篷窗團團攬圭璧圓
靈靜可翫清輝近堪摘明星羅耿耿春情動脈脈眷念畫樓人幽思生遙夕

陸我嵩借周緯黃黃渡舟中對雪聯句孤艇泊寒江侍雪天似墨壓篷夜無聲撒鹽曉有色

黃渡鎮志 卷一

三

初作風篠舞旋眩冰花織水市漁菱明煙林禽噪獸玉屑灑霏霏銀橋行得得遠銜寺脊紅
近襯岸容黑邨迷趙塔南浦斷華潮北凍鴉墮一雙皓鶴化千億膠合剪刀波氣凝水晶域
無石帚新詞有陶家舊憶烹茶茶不溫呷酒酒無力夜課鬪尖叉冬心抱偏仄清景悅欲逋
疏影不可即言尋蘆子渡宛在梅花國袞薄憎無眠餅大說堪食呼起李營邱畫境吾會識
閩秀歸戀儀黃渡阻風咫尺家山路邈茫五年陳迹費思量孤舟一夜瀟瀟雨青鏡明朝鬢
有霜

閩秀王韻梅丙戌七夕黃渡作夜深深院露華濃倚枕愁聽遠寺鐘歸夢紅窗關不駐任他
水複與山重 微颿牛樹乍涼天四壁蟲聲月墮煙歲歲星期總腸斷何曾懷悶似今年

職官

市舶提舉司 元初設駐黃渡鎮轄番夷閩粵海舶明洪武時以番夷不宜導入內地詔改設
于定海

河泊所大使 明洪武初設屬嘉定駐黃渡鎮管嘉定崑山華亭上海四縣漁戶宏治三年松
江知府劉璟奏革其漁課歸秋糧項下帶徵係蘇州府者并入沙頭河泊所

黃渡河泊所漁課鈔永樂間一萬七千一百八十二錠舊志作定案元時行鈔法以一貫爲四貫四百六十文天順至成化間一萬八千五百九十九錠一貫八百六十文自宏治七年至萬歷八年以漸裁革

吳塘巡檢司 元設屬嘉定駐黃渡鎮明初仍之管轄墩汛凡九青岡墩黃泥涇墩外岡墩城西墩石墩岡墩馬陸墩黃渡墩馮家橋墩沙墩萬歷三年裁歸江灣巡檢司兼轄

明殷聘尹曰原額弓兵三十名今增巡司一員弓兵十名向設于黃渡鎮巡司督率弓兵沿鄉巡緝今寮舍圯廢寄寓邑城或僦居民舍請託薦剋以竊微潤而巡羅防守之責不問稅課局 明設大使一員屬嘉定洪武四年改建總局復設子局九所黃渡鎮其一也嘉靖四十二年巡按御史陳瑞奏革

社會

積穀倉 屋五楹在南鎮迎恩橋側 國朝乾隆六年青浦知縣王理建尋廢

小學

黃谿小學 在今北鎮柴家衝後明嘉靖十五年嘉定知縣李資坤以上真道院改建有學門

黃渡鎮志 卷一

四

儀門聖賢祠養正堂齋舍屋凡一十楹置田三十四畝租米二十四石五斗邑人沈燿有記今遺址尙存

李資坤風教錄歲用每月生儒一名廩米一石價銀五錢柴炭銀一錢六分六釐六毫教讀一名廩米八斗價銀四錢柴炭銀一錢每季生儒教讀各用卯簿一扇每扇中夾紙一十五張價銀一分五釐每歲考試賞勵紙筆價銀八錢二分春秋聖賢里社二祠祭儀每祭用羊一羴豬肉七觔鷄二隻魚二尾帛一段時果麵食湯粉酒米油鹽醬酢薪水等項該銀一兩通共用銀若干兩存銀若干積貯備用每歲春秋二仲月諏日行舍采禮祀先師孔子及四配并宋周程張朱五儒以司簿者爲主司田者爲介祭畢設具延請鎮內有齒德父老會饗而散每歲終及三歲終將用過各餘存銀兩數目開報查攷學中立明經一人句讀一人俱擇有德行藝術者司田一人執其總司簿一人贊成之簿各有登曰歲入曰歲需季試之外有鄉約有月課修葺學舍之外更有贏餘以給貧乏亦掌以里中賢者

沈燿記今上御極之十三年滇南李侯來宰嘉定越二年丙申秋立小學于所治之境以訓鄉之子弟凡一十六處黃谿其一也撤上真道院而改建之凡橫經講肄之地及師生餼廩

之費美且備矣里之人來致侯命乞余一言余惟孝弟力田之科道不相悖而行之鄉者功尤神速古之時春將出民里胥鄰長坐于左右塾入者必察其薪樵輕重示以斑白不提挈之義周禮以歲時合耦于耒耨即里胥所居之塾也新穀已入餘子皆入學士大夫之退老于鄉者就門側之室而爲之師民之朝夕出入者常受教于此先督其勤惰之節以裕其生繼覈其德行道藝之實以正其心迨學有進益選于二十五家者小善亦取選于百家者累善乃取秦漢而降里選之法廢俗日偷而秀良乃不復振起矣我朝以經義取士洪武八年詔天下立社學絃誦之聲延及窮鄉僻壤而爲子弟者咸知承師問道學有成材况茲吳淞之濱土厚水深觀于其鄉秀而不浮樸而不僿子衿城闕之風無爲斯土慮也李侯行之可以興矣

殷聘尹曰李資坤建四門及各鎮小學置廩田以給饘誠教養之盛心也日久弊滋豪門據爲世業姦胥竊以自潤廣文利于乾沒以一二衰朽老儒名充社師虛糜廩給而已
國朝徐峽芳詩吳塘東岸臥殘碑留得荒堆義學基基上年年春草綠不知桃李更何時
黃渡社學 明萬歷間青浦知縣卓鈿建今遺址莫攷

黃渡鎮志

卷一

五

平原義塾 在南鎮伏魔庵西乾隆四十七年陸嵩庚建尋廢

墩汎

明初地方烽墩
青塘長修築

吳塘烽墩 即黃渡墩在文號八圖今爲施相公廟基 國朝康熙六年設汎地于墩旁係吳淞營左哨把總撥兵駐守今營房已廢遇公文緊急仍設驛廟中

鹽鐵灣墩 在文號十四圖

逢陣墩 在三十三保一區一圖

陳家邨墩 在四十五保四區三圖

醫煙墩 在四十五保四區六圖

里人夏韶醫煙墩晚眺小阜年年鎮碧潯會傳多難此登臨 聖朝一洗干戈習僻壤常安耕鑿心禾黍連阡霑雨足牛羊幾隊牧秋深四郊烽火都銷盡留待詩笳數訪尋

黃渡汎 舊在南鎮伏魔庵旁今移建越河北岸千秋橋側屋三楹基地七分汎兵六名係提標後營撥派白鶴江把總管轄

郵遞

黃渡舖 在方泰舖西南十二里文號十四圖戚浦上舖兵二名基地六分六釐西南抵青浦界艾祁舖

案嘉定舖兵四十名每名工食銀七兩二錢黃渡派兵二名今舖廢已久工食銀尙存

公廨

河泊所署 明洪武時大使管璠建在今文號十二圖樊將軍廟西百餘步署久廢今存路旁

小墩猶呼大使墩松江府志載黃渡河泊所在嘉定二十都誤

吳塘司署 明洪武六年巡檢趙叔康請以沒官房改建在北鎮姚家街今仍廢為民房

坊表

攀龍坊 宋淳祐十一年青龍監鎮林鑑立在今鹹號十九圖龍王廟前久廢

節烈坊 在文號十四圖南宅康熙四十七年為金趙鳴繼妻王氏建

貞孝坊 在三十一保蔣家浜乾隆十七年為張大燦聘妻程氏建

雙節坊 為沈諧妻陸氏沈訓妻汪氏建一旌于乾隆九年一旌于乾隆十三年青邑人建坊

地未攷

節孝坊 一在北鎮柴家街康熙年為王惠公妻張氏建 一在三十一保淮浦上康熙六十

年為生員錢義傳妻張氏建 一在南鎮西街雍正十一年為施觀妻錢氏建 一在三十三

黃渡鎮志 卷一

保張浦上乾隆三年為周溢妻陸氏建 一在南鎮橫街乾隆二年為陸國祥妻鄧氏建 一

在北鎮箬園涇上乾隆五年為姚禹傳妻沈氏建 一在三十一保凌家角乾隆六年為曹天

標繼妻吳氏建 一在南鎮西市外乾隆六年為例貢生吳觀都妻金氏建 一在三十一保

百家橋乾隆八年為張坤元妻陸氏建 一在北鎮姚家街乾隆九年為姚文耀妻金氏建

一在三十三保張浦上乾隆十二年為周潛妻馮氏建 一在北鎮柴家街乾隆 年為舉人

施洞春繼妻陸氏建

街巷

大街 後街 司前街載黃節雜記 柴家街

佛閣街 輒橋街 姚家街 北街

更樓街 東涇岸以上北鎮 南街 東街

西街 橫街 轎子彎 旱橋街

馬家街 倉房街 西街 華家場

錢家場以上南鎮

橋梁

迎恩橋 跨吳淞江舊名虹橋亦名東江橋 國朝康熙三十八年里人曹襄金維則吳麟定華昌募捐易石邑人張詩有記

張詩記吳淞江自震澤迤邐歷崑山嘉定青浦上海延袤三百餘里而後入海民居在腹獨黃歇渡北屬嘉定南屬青浦江之兩厓居民稠疊屹爲鉅鎮形勢至此一束鎮東西向有兩江橋用木爲之後東江橋廢不惟不利于行而鎮亦日就彫耗蓋鎮所以東吳淞形勢而兩江橋又爲一鎮鎖鑰而聚其氣者也里中任事者謂橋之興廢係鎮之盛衰乃協心齊力竭已資剝始廣爲勸募矢公矢慎以底于成高廣若干尺爲級各五十面平如砥約可坐百人堅緻宏敞兩邑中得未有也橋成適 今上南巡行幸松郡因名曰迎恩自此民物日阜行其途往來不絕者肩相摩焉觀于其市陸離璀璨眩目焉入于人家棟宇峻起檐阿軒翺鬱葱之氣不能窺其蓄藏之淺深焉衣食足禮義生其長老率皆忠信樸誠以孝弟教督其子弟其子弟亦恂恂雅飭無少年華靡敖放之習其秀者寢食于詩書道德故聚不滿千室列膠庠者數十人彬彬皆廟堂器其日新月異正未有艾而非諸君子協心齊力以底于成

黃渡鎮志

卷一

七

又何以致此余留滯斯土久乙未秋鎮之人士請書以勒石問所費曰錢四千緡問其歲月曰始康熙某年某月逾年訖工余樂觀其成因爲之記以垂不朽云

范逸過虹橋作故人書到客來遲此意何由報爾知歲暮淒涼殘雪夜東江橋上獨題詩

西江橋 跨吳淞江以上二橋
嘉青連界

里人施大成雙橋曉市詩樓閣千家曙色中垂虹分鎖水西東鷄聲履跡霜猶白人影闌干日漸紅彩鷁紛紛六郡客畫帘裏裏五更風一江煙景憑誰買借問詩翁與酒翁

與善橋 跨陸皎浦舊志作陸皎浦橋俗稱張家橋明永樂間建 國朝康熙五十年易石乾隆五十年里人金元桂募修

積善橋 跨箬園涇

香花橋 跨箬園涇明洪武十七年郭文正重建 國朝順治八年徐近山募修

鍾秀橋 跨箬園涇俗稱施家橋康熙間戴邦鳳重建

李榮春竹枝詞箬園涇上草芊芊幾樹桃花照水鮮若問阿儂何處駐施家橋北綠楊邊
授書橋 跨黃渡浦俗稱小橋康熙四十五年易石

瓢橋 跨黃渡浦明宣德八年重建

屢豐橋 跨黃渡浦舊名斗姥閣橋道光元年重建

彩虹橋 跨吳塘亦名虹橋明永樂二年建以上嘉定界在鎮諸橋

金燾虹橋邨居虛堂生清風心期不在遠人各愛其廬吾亦寄高蹇桁上少懸衣牀頭五千

卷萬象羅心胸三古足流緬籬下花容澹林間鳥聲善欣然與之偕兩忘不能返

報恩橋 跨鹽鐵塘俗稱蔡家橋雍正七年蔡甯宸易石道光二十一年重修橋東屬青浦界

平安橋 跨樊浦 天香橋 跨新涇

祿介橋 跨邢涇明成化五年陶士真建龐憲協成 國朝乾隆七年龐茂章重修

莊恩橋 跨戚浦 仁塘橋 跨戚浦今改木

聚龍橋 跨沙浜乾隆十四年建 從善橋 跨鳳皇涇

鳳皇橋 跨鳳皇涇 繼善橋 跨王匠邨浜

秀龍橋 跨辛涇 馬宅橋 跨旱涇

扶鑾橋 跨小吳塘道光十五年重修 虬涇橋 跨吳塘

黃渡鎮志 卷一

李榮春竹枝詞虬涇橋下碧波澄橋上噉噉朝旭升蘿蔔洗來如白玉阿儂兩手冷于冰

祥發橋 跨蔣涇 八字橋 跨

仁壽橋 跨陶邨 萬年橋 跨陶邨

永隆橋 跨陶邨 衆安橋 跨陶邨

復興橋 跨陶邨 興隆橋 跨管涇

興熟廟橋 跨管涇 歐家橋 跨管涇

聚龍橋 跨吳涇

桑浦橋 跨桑浦明永樂七年建今以吳涇之五龍橋假名桑浦橋當非其舊以上嘉定界在鄉諸橋

附廢橋

莊橋 跨莊涇 孫店橋 明洪武四年建

葛倪橋 明永樂元年建 馮家橋 明永樂元年建

千秋橋 跨越河乾隆四十年里人徐蒼舒募建徐峽芳有記

徐峽芳記吳淞江袤三百餘里跨江成市者惟黃渡鎮鎮爲嘉青接壤商販最盛康熙間鎮